



ইসলামি আরবি বিশ্ববিদ্যালয়

রেজিস্ট্রারের কার্যালয়

www.iau.edu.bd



বাড়ি নং-১২৪/৯০/০৩, ব্লক-বি, সড়ক নং-০২, ওয়েস্ট ধানমন্ডি, বহিলা, মোহাম্মদপুর, ঢাকা-১২৩১

স্মারক নং- ইআবি/রেজি/প্রশা/২০১৫/১১৮৯৩

তারিখ : ২০/০৫/২০২৩ খ্রি.

বিজ্ঞপ্তি

পরীক্ষা গ্রহণ, দ্রুত ফলাফল প্রকাশ ও সেশনজট মুক্তকরণ সংক্রান্ত অবহিতকরণ:

ইসলামি আরবি বিশ্ববিদ্যালয়ের অধিভুক্ত মাদরাসার অধ্যক্ষগণ, শিক্ষকমণ্ডলী, শিক্ষার্থী ও সংশ্লিষ্ট সকলের অবগতির জন্য জানানো যাচ্ছে যে, ২০২১ সালের ফাজিল (পাস) ১ম, ২য় ও ৩য় বর্ষ পরীক্ষা ২৭/০৫/২০২৩ খ্রি. থেকে শুরু হওয়ার কথা ছিল। কিন্তু পরীক্ষা গ্রহণের জন্য প্রয়োজনীয় প্রশ্নপত্র প্রণয়ন ও প্রশ্নপত্র মডারেশনসহ পরীক্ষা কার্যক্রম সংক্রান্ত 'পরীক্ষা কমিটি' গঠিত না হওয়ায় ২৭/০৫/২০২৩ খ্রি. তারিখ থেকে পরীক্ষা গ্রহণ অসম্ভব হয়ে দাঁড়ায়। এমতাবস্থায় বিশ্ববিদ্যালয় প্রশাসন নিরুপায় হয়ে সময়সূচি পরিবর্তন করে ২৯/০৭/২০২৩ খ্রি. তারিখ থেকে পরীক্ষা গ্রহণের সময়সূচি পুনঃনির্ধারণ করে। একইসাথে সেশনজট দূরীকরণ ও দ্রুত ফলাফল প্রকাশের যথাযথ ব্যবস্থা গ্রহণ করে।

ফাজিল পাস (১ম, ২য় ও ৩য় বর্ষ), ফাজিল অনার্স (১ম, ২য়, ৩য় ও ৪র্থ বর্ষ), কামিল (১ম ও ২য় পর্ব) পরীক্ষা ২০২১ ও ২০২২ সালের পরীক্ষার সম্ভাব্য তারিখ নির্ধারণ:

বিশ্ববিদ্যালয়ের প্রশাসন সেশনজট দূরীকরণ ও পরীক্ষাসমূহ যথাসময়ে না হওয়ার বিষয়টি গুরুত্বের সাথে অনুধাবন করে গত ১৩/০৫/২০২৩খ্রি. অনুষ্ঠিত একাডেমিক কাউন্সিল এবং ১৫/০৫/২০২৩খ্রি. অনুষ্ঠিত সিন্ডিকেট সভার সিদ্ধান্ত মোতাবেক ইসলামি আরবি বিশ্ববিদ্যালয়ের অধীনে ২০২১ সালের ফাজিল পাস পরীক্ষার সংশোধিত সময়সূচি অনুযায়ী আগামী ২৯/০৭/২০২৩ খ্রি. তারিখ থেকে গ্রহণ করা হবে। আগামী ০৭/০৯/২০২৩খ্রি. থেকে ফাজিল অনার্স ১ম, ২য়, ৩য় ও ৪র্থ বর্ষ পরীক্ষা- ২০২১ অনুষ্ঠানের নিমিত্ত প্রয়োজনীয় পদক্ষেপ গ্রহণ করা হয়েছে। কামিল স্নাতকোত্তর ১ম ও ২য় পর্ব পরীক্ষা- ২০২১ আগামী ০৫/১০/২০২৩খ্রি. শুরু হবে ইনশাআল্লাহ।

২০২২ সালের ফাজিল পাস (১ম, ২য় ও ৩য় বর্ষ), ফাজিল অনার্স (১ম, ২য়, ৩য় ও ৪র্থ বর্ষ) এবং কামিল স্নাতকোত্তর (১ম ও ২য় পর্ব) পরীক্ষাসমূহ ২৫% সিলেবাস কমিয়ে ক্রাশ প্রোগ্রাম গ্রহণের মাধ্যমে নভেম্বর ২০২৩ থেকে শুরু করার প্রয়োজনীয় ব্যবস্থা গ্রহণ করা হয়েছে।

২০২৩ সালের ফাজিল পাস (১ম, ২য় ও ৩য় বর্ষ), ফাজিল অনার্স (১ম, ২য়, ৩য় ও ৪র্থ বর্ষ) এবং কামিল স্নাতকোত্তর (১ম ও ২য় পর্ব) পরীক্ষাসমূহ ২৫% সিলেবাস কমিয়ে ক্রাশ প্রোগ্রাম গ্রহণের মাধ্যমে এপ্রিল ২০২৪ থেকে শুরু করার পরিকল্পনা গ্রহণ করা হয়েছে।


উপরোক্ত পরীক্ষাসমূহ পরিকল্পনা অনুযায়ী যথাসময়ের মধ্যে শেষ করে দ্রুততম সময়ে ফলাফল প্রকাশপূর্বক সেশনজট নিরসন করা হবে ইনশাআল্লাহ। এতে আমাদের প্রিয় প্রতিষ্ঠানকে সেশনজট মুক্ত করা সম্ভব হবে বলে আমরা দৃঢ়ভাবে আশাবাদী।

এছাড়াও ফলাফল অতিদ্রুত প্রকাশ করার লক্ষ্যে বিশ্ববিদ্যালয় প্রশাসন জরুরী উদ্যোগ গ্রহণ করেছে। এজন্য মাননীয় ভাইস-চ্যান্সেলর মহোদয় বিগত ১৮/০৫/২০২৩ তারিখে বিশ্ববিদ্যালয়ের প্রো-ভাইস চ্যান্সেলর ও পরীক্ষা নিয়ন্ত্রক (অতিরিক্ত দায়িত্ব), রেজিস্ট্রার ও অন্যান্য কর্মকর্তাসহ পরীক্ষা নিয়ন্ত্রক দপ্তরের সংশ্লিষ্টদের নিয়ে এক জরুরী সভা করেন। উক্ত সভায় দ্রুততম সময়ে পরীক্ষার ফল প্রকাশের জন্য যাবতীয় কার্যক্রম গ্রহণ করা হয়েছে।

উপর্যুক্ত বিষয়াবলী অধিভুক্ত মাদরাসার অধ্যক্ষগণ, শিক্ষকমণ্ডলী, শিক্ষার্থী ও সংশ্লিষ্ট সকলের কার্যার্থে অবহিত করা হলো।

এ বিষয়ে ইসলামি আরবি বিশ্ববিদ্যালয়ের পক্ষ থেকে সংশ্লিষ্ট সকলের সহযোগিতা কামনা করা হচ্ছে।

উপাচার্য মহোদয়ের অনুমোদনক্রমে



(ড. মোহাম্মদ কামরুল ইসলাম)

রেজিস্ট্রার

মোবাইল- ০১৭০৫৪০৮০০১

ই-মেইল- iauregistr@gmail.com